

SASTAV TIMOVA

»SPARTAK«
(Moskva SSSR)

PROHOROV
MEDNIKOV
BUKIEVSKI
OSJANIN
OLJSANSKI
ZENKOV
LOGOFET
LOVČEV
MINAEV
BULGAKOV
KOKOREV
ANDREEV
PISKAREV
GLADILIN

Kapiten: S. OLJSANSKI

Trener: GULJAEV

»VELEŽ« (Mostar)

MRCAN
NJEGUŠ
METER
HADŽIABDIĆ
COLIĆ
PRIMORAC
PECELJ
GLAVOVIĆ
KVESIĆ
HALILHODŽIĆ
BAJEVIĆ
VLADIĆ
VUKOJE
TOPIĆ

Kapiten: BAJEVIĆ

Trener: REBAC

GRADSKI STADION

2. OKTOBRA 1974. GODINE

U 17 SATI

KUP UEFA



SPARTAK

MOSKVA, SSSR

VELEŽ

MOSTAR, JUGOSLAVIJA

AKO ZELITE
KVALITET
BRAŠNA, HLJEBA,
PECIVA, KEKSA
I VAFLI
ONDA SE OBRATITE SAMO



OOOR „ŽITOPROMET“ - MOSTAR

SPARTAK — GOST SA NAJVIŠE TITULA

Po svojoj snazi, fudbalskom znanju i kompoziciji ekipe — u goste dolazi evropski tim! Bez slabog mjesta, od golmana do lijevog krila. Takav su utisak ostavili u prvom meču na stadionu »Lenjina« u Moskvi 18. septembra kada je Spartak savladao Veleža sa 3:1.

Jedanaestorica: Prohorov, Bukievski, Logofet, Osjanin, Oljšanski, Lovčev, Bulgakov, Minaev, Piskarev, Gladilin (Kokorev) i Andreev (Redin), igraju snažno i sa besprijekomnom fizičkom spremom prezentiraju moderan fudbal. Brze, jednostavne akcije, bez zadržavanja lopte lako dolaze do protivničkog gola. Oba krila, Bulgakov i Andreev, svojim vještim prodorima i centar-šutevima stvaraju pravi unakrsni vatromet pred golom. I jedan i drugi — izvanredni tehničari. Bulgakov, plavokos i mali rastom, svojim driblinzima i kretanjama podsjeća na škotskog reprezentativca Džonstona. Centar-for Piskarev, lukav i spretan strijelac koji tuče iz svih pozicija i kome je potreban mali prostor i djelić sekunde da uputi »projektil« prema голу. Dvije polutke — Minaev i Gladilin — velike radilice. Half-linija je osnovna poluga tima. Sve sami reprezentativci: Osjanin, Oljšanski i Lovčev. Desni bek Bukievski često pravi izlete i prava je napast za protivnika. Lijevi bek Logofet, bivši reprezentativac (30 puta). Golman Prohorov, kandidat za reprezentaciju.

Zar sve ovo ne govori o snazi Spartaka?!

RASADNIK REPREZENTATIVACA

Od dana kada je osnovan, 1922. godine, pod imenom MSK (Moskovski sportski klub) a 1935. dobio sadašnje ime Spartak, dao je za reprezentaciju Sovjetskog Saveza 35 reprezentativaca. Među njima najslavnije ime je Igor Neto. Legenda kluba. Za »zbornaju« nastupio 57 puta a po broju odigranih utakmica u dresu Spartaka drži rekord sa 367 mečeva. Neto je sada prvi pomoćnik Guljajeva.

Među ostalim poznatim imenima, koje je Spartak dao za reprezentaciju su još: Masljonkin, Baniševski, Isaev, Ijljin, Osjanin, Kornejev, Huseinov i Logofet.

VELEZOV GOST — SA 18 TITULA

Pod Bijeli brijeg dolazi jedan od rijetkih gostiju iz inostranstva sa toliko titula. Spartak je 9 puta bio šampion Sovjetskog Saveza i isto toliko puta osvajač Kupa. Dakle, 18 titula i trofeja koji krase vitrine kluba. Šampion svoje zemlje bio je: 1936, 1938, 1939, 1952, 1953, 1958, 1958, 1962, i 1969. Pet puta je bio drugi: 1937, 1954, 1955, 1963 i 1968. Pobjednik Kupa: 1938, 1939, 1948, 1947, 1950, 1958, 1963, 1965 i 1971. Iz ovih podataka uočljivo je da je dvostruki uspjeh, osvajanje prvenstva i Kupa u jednoj godini, postigao tri puta — 1938, 1939, i 1958.

U EVROPSKIM TAKMIČENJIMA — TRADICIJA PROTIV SPARTAKA

Jugoslovenski klubovi nemaju sreće sa ekipama iz Sovjetskog Saveza. Nijedan naš tim nije uspio da savlada u zvaničnim takmičenjima bilo koju momčad iz ove zemlje.

U Kupu UEF-a je OFK Beograd doživio takvu sudbinu. Upravo protiv Spartaka. U Beogradu — 3:1 za Moskovljane, u Moskvi još čistija pobjeda — 3:0 za Spartak.

Ali kao što tradicija govori o neuspjehu jugoslovenskih fudbalera u mečevima sa predstavnicima Sovjetskog Saveza, Moskovski Spartak doživljava sličnu sudbinu na internacionalnom planu. Do sada je 4 puta nastupao u raznim evropskim kupovima. Od 8 gostovanja, zabilježio samo jednu pobjedu. I to upravo 1966. protiv OFK Beograda. Sa ostalim partnerima teško je izlazio na kraj. Gubio je ili dobijao tijesnim rezultatima ili igrao nerješeno.

Kao šampion Sovjetskog Saveza igrao je u KUPU PRVAKA 1970/71. Eliminisan je od prvaka Švajcarske Bazela sa 3:2 i 1:2. Pobjeda u Moskvi bila je ravna porazu. (Gol u gostima više vrijedi.)

Ukupno u evropskim takmičenjima igrao je 16 utakmica. Zabilježio 6 pobjeda, isto toliko poraza a 4 puta igrao nerješeno. Gol razlika 21:20. Dakle samo jedan gol u pozitivu.

SANSE VELEŽA

Spartak, po svom fondu igrača kojim trenutno raspolaže, predstavlja granitnu stijenu. Na spisku ima 30 fudbalera za koje nema tajni. Ima četvoricu golmana, deset igrača koji koriste u odbrambenom bedemu, sedam u veznoj liniji i deset u napadu. Zaista veliki izbor i stručni štab Guljajev, Neto i Koršunov nemaju glavobolja kada treba da odrede 11 najboljih.

Međutim, kada je u pitanju sportska borba svako treba da vjeruje u svoje snage. A tim Veleža upravo krasi borbenost i vjera u sebe. A kada je u pitanju stadion pod »Bijelim brijegom« i vjerna armija navijaca »rođenih«, onda je to faktor podrške s kojim se uvijek ozbiljno računa.

Velež je u Moskvi ostavio solidan utisak. Prezentirao je maštovitu igru i tehnički dotjeran fudbal. Ali da bi se pobijedio protivnik kakav je Spartak, jedanaestorica Veležovaca moraju da zaigraju kao u onom furioznom meču protiv Hajduka (5:0). Uostalom Spartak je tim i fudbalsko ime koji i zaslužuje takvu pažnju. Da se očekuje u pravoj fudbalskoj atmosferi. A u takvim okolnostima, jedino što se može reći je: neka pobijedi ko bude bolji i veći majstor u korištenju šansi.

A za Velež je najveća motivacija: biti prvi jugoslovenski tim koji bi savladao jednog Sovjetskog predstavnika.